



საქართველო

რესპუბლიკა

წესი 3 მან. შაბათი, მაისის 22 1920 წ.

შთავრობის მოახვე, უფელდელიური გაზეთი (ოფიციალური და არაოფიციალური განყოფილებით) საქართველოს რესპუბლიკა

მიიღება წლის მოწერა გაზ. „საქ. რესპ.“ 1920 წლისთვის გაზეთის ღირს 1 თვით 70 მან., ცალკე ნომერი ყველგან 3 მან. განცხადების ფასი პირველ გვ. პეტრის სტრიქონი ტექსტის წინ 4 მან. მე-4 გვ. 3 მ. 50 კ. სამგლოვიარო განცხადება ჩვეულებრივ ზომისა 140 მ. 1 იანვ. გაზეთი ნისიად არავის გაეგზავნება. რედაქციის კანტორის მისამართი: ტფილისი, ბარონის ქ. № 6. ტელეფონი 1-82.

გორის საუბრითომო ნლოზის საზოგადოების საბჭო და გამგეობა

სთხოვს საზოგადოების წევრებს დაესწრონ კვირას, 23 მაისს 1920 წ. დილის 11 საათ. გორის საკრებულოს საზაფხულო დარბაზში

საზოგადოების მორიგ წლიურ კრება

თუ პირველი კრება არ შესდგა წევრთა კანონიერ რიცხვის დაუსწრებლობის გამო, მეორე კრება ინიშნება ამავე წლის 6 თბათვეს; მეორე კრება კანონიერია, მიუხედავად დამსწრე წევრთა რიცხვის რაოდენობისა.

განსახილველი საგნები:

1. გამგეობის და საბჭოს მოხსენება საქმეთა მდგომარეობის შესახებ.
2. განხილვა და დამტკიცება 1919 წლის ანგარიშისა.
3. განხილვა და დამტკიცება 1920 წლის ხარჯთ-აღრიცხვისა.
4. არჩევნები საბჭოს ორი წევრისა ნაცვლად ა. ზ. მეზურიშვილისა და პ. ქ. ჯაფარიძის, რომელთაც ვადა გაუვიდათ.
5. არჩევნები გამგეობის სამი წევრისა.
6. არჩევნები სარევიზიო კომისიის სამი წევრისა და მათი კანდიდატებისა 1920 წლის ანგარიშის შესამოწმებლათ და სხვა საკითხები, რომელნიც პირდაპირ შეეხებიან დღიურ წესრიგს.

490 3-2

ფრონტის ღახმარე მთავარი კომიტეტი იყრუაება

სასახლეში, სადაც კომიტეტის თავმჯდომარე სერ. ჟორჯოლიანი იძლევა ყოველგვარ ცნობებს კომიტეტის მუშაობის შესახებ; იგი ღებულობს ფრონტის საკითხებისათვის მუშაობის მოსურნე პირთაგან განცხადებებს. აქვე მორიგეობს კომიტეტის წევრი, სასახლეშივე, კომ. მოლარე დიმ. კლანდარიშვილი და საქმის მწარმოებელი გ. ქიქოძე ღებულობს ყოველგვარ შემოწირულებას. ტელ. 3-87, 6-02.

1131 3-2

სახელმწიფო თეატრი ირავს მუსიკოსებს სახელმწიფო საგნაშუაში

თეატრთან არსებულ ორკესტრისათვის

თითოეული ორკესტრანტი მიიღებს გარდა ჯამაგირისა სრულ სურსათის უფლებას. მიღება მოხდება კონკურსით. მსურველთ შეუძლიათ ჩაეწერონ სახელმწიფო თეატრის კონტრაქტში ყოველდღე 11-2 საათ. და საღამოს 7-9 საათამდე. კონკურსის დღე ცალკე იქნება 520 გამოცხადებული. ორკესტრი იარსებებს ამა წლის 1 ივნისიდან.

1-1

საქართველოს სასტრატეგიკო საზოგადოების გამგეობა

ამით აცხადებს, რომ შაბათს, მიმდინარე მაისის 29-ს საღამოს 7 საათზე გამგეობის ბინაზე (რესპუბლიკის ქუჩა, № 8) დანიშნულია აქციონერთა საგანგებო

საზოგადო კრების გაგრძელება

2-1

განცხადება

ხეკან კერძო, საზოგადო და სახელმწიფო საწარმოო დარგების და დაწესებულებათა ადმინისტრაციები.

რომელთა მუშა-მოსამსახურენი სარგებლობენ მომარაგების სახელმწიფო ფონდით მუშათა მაგიდისა, — მოვალენი არიან მიმდინარე წლის 25 მაისამდე წარმოუდგინონ მუშათა მაგიდას მუშა-მოსამსახურეთა ახალი სიები, რომლებს ფორმა გამოუმუშავებულა შრომის სამინისტროს მიერ.

სიები უნდა იყოს შედგენილი მუშათა მაგიდის ბლანკებზე. ბლანკის ფურცელი ღირს 3 მანეთი და შეიძლება მიღება შრომის სამინისტროში ყოველ დღე 1-3 საათამდე. ყალბი ცნობების წარმომდგენელთ სახელმწიფო ფონდიდან პურის და სხვა საწარმოების მიცემის უფლება დაეკარგებათ.

527 1-1

შრომის სამინისტროს მუშათა მაგიდა.

საჯარო ვაჭრობა

ბორჯომის სახელმწიფო გაგულის საგარტეველო

ამით საყურადღებოდ აცხადებს, რომ ორშაბათს 31 მაისს, ქალ. ბორჯომში სამართველოს კანტორაში დილის ათ საათიდან შესდგება

საჯარო შეპირი ვაჭრობა სასტუმროებისა და სხვა საეაჭრო შენობების

იჯარით გაყვამზე. ვაჭრობა დაიწყება: 1) სასტუმრო „მინერალური წყლები“ 24 ავეჯით მოწყობილ ოთახით ასი ათასი მანეთიდან; 2) სასტუმრო „ბორჯომი“ 18 ავეჯით მოწყობილი ოთახით 50 ათასი მან-დან; 3) ბუფეტი „ეკატერინეს წყაროს“ ვალერიაში 30 ათასი მან-დან; 4) პავილიონი სარძევე 5 ათასი მან-დან; 5) იქვე პატარა პავილიონი მონოგრაფიების სამუშაო ორი ათასი მან-დან; 6) იქვე პავილიონი ბეჭდითი ნაწარმოებთა სამი ათასი მან-დან; 7) შენობა ქარვასლაში ზორბალის და სხვ. საწყობათ 5 ათასი მან-დან; 8) საეაჭრო სახლი სამი დღეში და სარდაფით 15 ათასი მან-დან; 9) ხუთი ბუდე-დუქანი მწვანე ბაზარში თითო ხუთი ათას მან-დან. ვაჭრობაში მონაწილეობის მიღების მსურველებმა უნდა შეიტანონ სამართველოს კასაში 1/3 შეფასებისა. დაწვრილებითი ცნობების მიღება შეიძლება ყოველდღე სამართველოში ბორჯომში.

1098 3-1

სენაიის საგარო პროვის გამგეობა

ამით აცხადებს, რომ მიმდინარე მაისის 27-ს დილის 11 საათზე გამგეობის დარბაზში საჯარო შეჯიბრებით იჯარით გაიყვება საზაფხულო საძოვარი (თა 1) „ასხი“ და 2) „ჩეგოლა-ღებარდეს“ რაიონები. პირველის ფასი დაიწყება 200.000 მანეთიდან — ხოლო მეორესი მინერალური წყლებიდან 200.000 მან. დაწვრილებით პირობების გაცნობა მსურველს შეუძლია გამგეობაში ყოველ სამეცადინო დღეებში.

თუ დანიშნულ დღეს შეჯიბრება არ შესდგა, ხელმეორედ მოხდება 30 მაისს.

521 3-2

გამოცდილი დურგალი

ექებს სამუშაოს, თავის დაზვა იარაღით. მისამართი: ბათუმის ქუჩა, № 12. დიდუბე, ალ. ბიბილაძე.

1128 3-2

ოფიციალური განყოფილება

კანონი

სადისციპლინო წესდების დამტკიცებისა.

1. დამტკიცებულ იქნეს ამ კანონთან დართული სადისციპლინო წესდება.

1920 წ. აპრილის 30.

დამფუძნებელი კრების თავმჯდომარის უფროსი ამხანაგი

ალ. დომთაიძე.

რესპუბლიკის მთავრობის თავმჯდომარე ნ. ჭრდანი.

სადისციპლინო წესდება.

თავი I.

საზოგადო დებულება.

1. სამხედრო დისციპლინა ავალებს ყველა სამხედრო პირს სამხედრო კანონებში აღნიშნულ წესების მტკიცება და სწორედ დაცვას, სამსახურის მოვალეობათა კეთილსინდისიერად ასრულებას, უფროსთა ბრძანების სიმტკიცითა და სისწორით შესრულებას და უფროსების მიმართ შესაფერ პატივისცემას.

2. ბრძანების შედეგის პასუხისმგებლობა დაევალება მბრძანებელს და არა აღმასრულებელს, თუ უკანასკნელმა სისწორით შესრულა ბრძანება.

3. აღმასრულებელს ეკრძალება და იგი პასუხის ავებს უფროსის ისეთ ბრძანებისა აღსრულებისათვის, რომელიც მიმართულია რესპუბლიკის, მთავრობის წინააღმდეგ, ან აღმასრულებლის მიერ დადებული ფიცის დარღვევისაკენ.

4. ყოველი უფროსი ვალდებულია დაიცვას ჯარის ნაწილში და ხელქვეითთა შორის სამხედრო დისციპლინა და წესიერება. ამასთან ერთად მის პირდაპირ მოვალეობას შეადგენს: ხელქვეითთა მიმართ სამართლიანი მოპყრობა, ზრუნვა მათი კეთილდღეობისათვის, გაზიარება მათი გაჭირვებისა, მათთვის რჩევა და ხელმძღვანელობა. ზედმეტი სიმკაცრე, თუ სამსახურის სარგებლობა არ მოითხოვს, მიშვებული არ უნდა იქნეს.

უფროსი ვალდებულია ყოველ ოფიცერსა და ჯარის კაცს შეაგნებინოს და გაუღვივოს მხედრობის მაღალი მნიშვნელობა და სამსახურის მოვალეობათა აღსრულების აუცილებლობა.

5. სამხედრო დისციპლინის დარღვევისა ან დაშკარა უჩრობის დროს უფროსი ვალდებულია ყოველი ზომა იხმაროს წესიერების აღსადგენად; უკიდურეს შემთხვევაში იგი ვალდებულია ძალას მიმართოს და იარაღით აღადგინოს წესიერება. ყოველი სამხედრო პირი, მიუხედავად თანამდებობისა და სახელწოდებისა, ვალდებულია დაეხმაროს წესიერების აღმდგენელს. ამ მუხლში აღნიშნული ზომების მიღება და საქმის გარეგნობა და საქმის გარეგნობა წესიერების აღმდგენელმა დაუყოვნებლივ უნდა აცნობოს თავის უფროსს.

სიერების აღმდგენელს. ამ მუხლში აღნიშნული ზომების მიღება და საქმის გარეგნობა წესიერების აღმდგენელმა დაუყოვნებლივ უნდა აცნობოს თავის უფროსს.

6. ეს წესდება იხმარება ყველა მწყობროვისა და არამწყობროვის ჯარის ნაწილებსა და გუნდებში თანამდებობათა შეფარდების დაცვით.

7. დისციპლინარი უფლებანი სამხედრო უწყების პირთა, როგორც მწყობროვისა ისე არამწყობროვის, ამ წესდებაში პირდაპირ არ აღნიშნულთა განისაზღვრება ამ წესდებასთან შეხამებით შესაფერ კანონმდებლობაში ნაგულისხმევ პირობის უფლებათა მიხედვით.

თავი II.

დისციპლინარი დანაშაული და სასჯელი.

8. დისციპლინარი სასჯელი [დაედება დამნაშავეს უფროსის უფლებით ისეთი მცირე დანაშაულისათვის, რომელიც არღვევს სამხედრო დისციპლინას ან საზოგადოებრივ წესიერებას და მყუდროებას, დამნაშავე კი ამისთვის სამართალში მიცემულ არ იქნება.

9. დისციპლინარ სასჯელთა დადება ეკუთვნის მხოლოდ იმ უფროსებს, რომელთა განკარგულებაშია დამნაშავენი იმყოფებიან, ან რომელსაც სამსახურის წესით ექვემდებარებიან, თუნდაც დროებით.

10. დისციპლინარ სასჯელთა მინიჭების უფლება, რომელიც ეკუთვნის მცირე თანამდებობის უფროსებს, ეკუთვნის აგრეთვე მაღალ თანამდებობის უფროსებს.

11. იმ შემთხვევაში, როცა დანაშაულობისათვის, რომელიც მოხსენებულია საერთო სამხედრო სისხლის სამართლის კანონებში და სასჯელთა შორის ნაჩვენებია დისციპლინარი სასჯელი, მაშინ ერთეულის უფროსი გადასწყვეტს, აკაროს დამნაშავეს დისციპლინარი სასჯელი თუ გადასცეს სამხედრო ბრალმდებელს (პროკურორს) დამნაშავეს სამართალში მისაცემად. თუ სამხედრო სასამართლო დისციპლინარი წესით საქმეს მოსპობს, მაშინ დამნაშავეს უფროსს ეკუთვნის განისაზღვროს დისციპლინარი სასჯელის საზომისა.

12. კანონის საწინააღმდეგო მოქმედებისათვის სამართალში მიუცემლობა და ამის მაგიერ დისციპლინარი სასჯელის მინიჭება დამნაშავეს არ ათავისუფლებს სასამართლოს წინაშე პასუხისმგებლობისაგან, მხოლოდ დისციპლინარი წესით მოხდელი სასჯელი ჩაეთვლება სასამართლოს განაჩენის გამოტანის დროს.

13. ჯარის კაცებს, ოფიცერებს და სამხედრო მოხელეთ დაედებათ შემდეგი დისციპლინარი სასჯელი:

- ა) გაეცივის გამოცხადება სიტყვიერად ან ბრძანებით.
- ბ) როგ გარეშე დანიშნა განწყებაში არა უმეტეს ექვსი გზობისა.
- გ) დაპატიმრება არა უმეტეს ორი კვირისა.

შენიშვნა: პატიმრობაში გატარებული დღეები არ ჩაეთვლება საერთო სამსახურის ვადაში.

14. დაპატიმრება მდგომარეობს შემდეგში:

I. ჯარის კაცთათვის ორგვარია:

- ა) საერთო ოთახში მოთავსება სამსახურის ასრულებით.
- ბ) ცალკე ნათელ ოთახში მოთავსება, სადაც ქვეშაგები ეძლევა მხოლოდ დამით.

II. ოფიცერთათვის, შემდეგებისათვის და ზედმეტ მსახურ ნაცვალთათვის მთავარ სადარჯოს ბინაზე ცალკე, ნათელ ოთახში მოთავსება მორიგ ოფიცერის ზედამხედველობით. ზემდეგი და ზედმეტმსახური ნაცვლები მოთავსდებიან როგორც ოფიცერებისაგან, ისე ჯარის კაცებისაგან ცალკე.

15. ყველა დაპატიმრებულთ ჩამოერთმევათ ყოველ გვარი მჭრელი და სასროლი იარაღი, რომელიც ინახება ათასეულის სამმართველოში სასჯელის მოხდამდე.

16. დაპატიმრების, ან ჯარების მოთავსების გამო, თუ დაპატიმრება შეუძლებელია, დაპატიმრება სისრულეში მოიყვანების პირველ შემდგომთანავე.

მაისის 29 და 30-სა და უკრაინის დღე

თ ა ვ ი III.

უფროსთა დისციპლინარი უფლება.

17. მეუფროსე ჯარის-კაცნი და გუნდის ოფიცრები ხელქვეით ჯარის კაცთა ყოველ დანაშაულს მოახსენებენ უმცროს—უფროსობის წესით გუნდის უფროსს რათა დანაშაუვს დისციპლინარი სასჯელი დაედოს.

18. გუნდის უფროსებს და მათ თანასწორ-უფლებიან პირთ უფლება აქვთ ხელ ქვეით ოფიცრებსა და ჯარის-კაცთ მიუსაჯონ:

I. ოფიცრებს გამოუცხადონ სიტყვიერი გაკიცხვა.

II. ჯარის-კაცთ: ა) რიგს გარეშე დანიშვნა განწყენებაში ოთხჯერ.

შენიშვნა: რიგს გარეშე დანიშვნა უნდა ხდებოდეს დღე გამოშვებით.

ბ) დაპატიმრება ხუთი დღე-ღამის ვადით მე-16 მუხლში „ა“-ს განყოფილებაში აღნიშნული წესით.

19. ათასეულის უფროსის თანაშემწით სათანადო ნაწილში უფლება აქვთ:

I. გუნდის უფროსებს და ოფიცრებს გამოუცხადონ სიტყვიერი გაკიცხვა და რიგ გარეშე დანიშვნა განწყენებაში ორჯერ.

II. ჯარის-კაცნი ა) რიგ გარეშე დანიშვნა განწყენებაში ექვსჯერ, ბ) დაპატიმრონ მე-16 მუხლში „ა“-ის განყოფილებაში აღნიშნულის წესით ათი დღე-ღამის ვადით.

20. ათასეულის უფროსსა და მის თანასწორუფლებიან პირთ უფლება აქვთ: თანაშემწეს გამოუცხადონ გაკიცხვა სიტყვიერად ან ბრძანებით. დანარჩენ ოფიცრთა მიმართ ამის გარდა:

I. რიგ გარეშე დანიშვნა განწყენებაში ოთხჯერ.

II. დაპატიმროს ვიდრე შვიდ დღე-ღამემდე.

ათასეულის უფროსი ჯარის-კაცებისადმი სარგებლობს სრულს დისციპლინარს უფლებას.

21. ბრიგადის უფროსის თანაშემწეს უფლება აქვს: ათასეულის უფროსს გამოუცხადოს სიტყვიერი გაკიცხვა, ბრიგადის დანარჩენ ოფიცრთა მიმართ:

I. რიგ გარეშე დანიშვნა განწყენებაში ექვსჯერ.

II. დაპატიმროს ათი დღე-ღამის ვადით.

ბრიგადის უფროსის თანაშემწე ბრიგადის ყველა ჯარის-კაცთა მიმართ სარგებლობს სრულს დისციპლინარს უფლებას.

22. ბრიგადის უფროსს უფლება აქვს თავის თანაშემწეს, ათასეულის უფროსს, შტაბის უფროსსა და ბრიგადის მწეს გამოუცხადოს გაკიცხვა სიტყვიერად ან ბრძანებით. ბრიგადის დანარჩენ ოფიცრთა და ჯარის-კაცთა მიმართ ბრიგადის უფროსი სარგებლობს სრულს დისციპლინარს უფლებას.

23. სამხედრო მინისტრს აქვს უფლება ბრიგადის უფროსთა და მათ თანასწორუფლებიან პირთ სიტყვიერად ან სამხედრო უწყების მიმართ ბრძანებით გამოუცხადოს გაკიცხვა. ყველა დანარჩენ სამხედრო პირთა მიმართ სამხედრო მინისტრი სარგებლობს სრულს დისციპლინარს უფლებას.

24. სამხედრო მინისტრის თანაშემწე სარგებლობს იმავე დისციპლინარ უფლებას, როგორც თვით სამხედრო მინისტრი.

25. სამხედრო მოხელენი დისციპლინარი სასჯელის მინიჭების მხრით შეუფარდდებიან მათთან ერთნაირ თანამდებობის ოფიცრთ. თავის მხრით, თანამდებობის მიხედვით მათაც აქვთ დისციპლინარი უფლება.

26. ცალკე ერთეულად (ათასეულზე ნაკლებ) ამ მკირე გუნდით ყოფნა სადმე მივლინებით აღიღებს ამ ნაწილების უფროსების დისციპლინარ უფლებას. ერთეულის უფროსი შეფარდება ამ შემთხვევაში ათასეულის უფროსის თანაშემწეს, მკირე გუნდის უფროსი კი—გუნდის უფროსს, მიუხედავად იმისა—უფროსად ოფიცრია თუ ჯარის-კაცი.

თ ა ვ ი IV.

დისციპლინარ სასჯელთი მინიჭება განაკუთრებულ შემთხვევაში.

27. გარნიზონის უფროსებს, კომენდანტებს, კარვების უფროსთ ან მათ მოადგილეთ უფლება აქვთ დაპატიმრონ არა თავის გამგებლობაში მყოფი სამხედრო უწყების პირნიც იმავე უფლებით, როგორც ხელქვეითნი, შემდეგ შემთხვევაში:

I. როცა დანაშაული ეხება საზოგადოებრივ მუხრობისა და წესრიგის დარღვევას.

მომავლო თაობაზე, შესრულებთ თქვენი ვალი ტყბილ სამშობლოს წინაშე, მკირე საჩუქრის მოწოდებით ფრონტზე მდგომ მეთაართათვის.

II. როცა დარღვეულია მათ მიერ გამოცხადებული სამხედრო აღმინისტრაციული რაიმე ზომები.

III. როცა დანაშაული ჩადენილია სადარჯილო ყოფნისა ან სამსახურის სხვა მოვალეობათა ასრულების დროს მინდობილ მიდამოში.

IV. როცა დანაშაული ჩადენილია იმისთანა სამხედრო პირისაგან, რომელსაც ამ ადგილას არა ჰყავს დისციპლინარი უფლებით მოსილი არც ერთი უშუალო უფროსი.

V. როცა დანაშაული ჩადენილია დათხოვნის ან მივლინების განმავლობაში, თუნდაც იმ ადგილას იმყოფებოდეს დანაშაუვის პირდაპირი უფროსი.

28. მახლობელი უფროსი, როდესაც თავის უფლებას სასჯელის დადებში საკმარისად არ სცნობს, მოახსენებს უფროსს სასჯელის განსაზღვრისათვის.

29. იმისთანა პირთა ერთად სამსახურის დროს, რომელნიც ერთმანეთის ხელქვეითნი არ არიან, თანამდებობით უფროსი ითვლება უფროსად; თანამდებობათა ერთგვარობის შემთხვევაში ნამსახურებით უფროსი უკანასკნელ თანამდებობაში მიიჩნევა უფროსად და უფროსის მიმართ სარგებლობს მინიჭებულ დისციპლინარ უფლებას.

30. უმცროსის მიერ უფროსის წინაშე სამხედრო სამსახურის საერთო წესისა და დისციპლინის ან საჯარო ადგილას საზოგადოებრივი მშვიდობიანობის დარღვევის და სამხედრო პატივცემულობისა და ზდილობის შეუსრულებლობის დროს: მეუფროსე მოვალეა მოაგონოს უმცროსს; საჭირო შემთხვევაში დაუყოვნებლივ უნდა შეატყობინოს საკომენდანტოს ან ჯგროვან სამხედრო უფროსს შესაფერი განკარგულებისთვის.

31. მე-30 მუხლში ნაჩვენები შემთხვევის შესახებ მეუფროსე ვალდებულია დაუყოვნებლივ შეატყობინოს ყოველ შემთხვევისთვის დანაშაუვის ან გარნიზონის უფროსს.

32. როცა საჩივრისა ან უმაღლეს უფროსობისათვის დასვენის წყალობით გამოაშკარადდება, რომ ხელქვეითის დანაშაული უახლოესი უფროსის მიერ დაუსჯელათ არის დატოვებული, ან როცა უმაღლესი უფროსობა დინახავს, რომ თვით სასჯელი არ შეეფერება დანაშაულის თვისებას ან დანაშაულის მნიშვნელობას, მაშინ უმაღლესი უფროსობა თვით განსაზღვრავს დისციპლინარ სასჯელს, თუ დანაშაუვზე უკვე არ მოიხდა ან ამ უამად არ მოიხდის მახლობელი უფროსის მიერ დადებულ სასჯელს.

33. დისციპლინარი წესით არ შეიძლება ერთსა და იმავე დანაშაულისათვის ერთი გზობის მეტჯერ დაისაჯოს. აკრძალულია აგრეთვე ერთი სასჯელის მეორესთან შეერთება და დისციპლინარი სასჯელის სახით დაპატიმრების დადება უგადოთ.

34. ყოველი დისციპლინარი სასჯელი უნდა შეეფერებოდეს დანაშაულობის მნიშვნელობას, სასჯელის სახისა და საზომის დანიშვნის დროს მიიღება მოსაზრებაში: თვისება დანაშაულისა, თანხლებული გარემოებანი, დანაშაუვის წინანდელი ყოფაქცევა; სამსახურის მოვალეობათა ასრულებლობის დანაშაულობაში—დანაშაულის სამსახურში ყოფნის დრო და სამსახურის წესის ცოდნის მეტ-ნაკლებობა.

35. სიმკაცრე დისციპლინარ სასჯელთა გადიდება, თუ დანაშაუვზე რამდენჯერმე იყო შემჩნეული ერთისა და იმავე სახის დანაშაულობაში, თუნდაც თვისებით სხვა და სხვა ნაირში, მაგრამ, თუ სასჯელმა არავითარი გავლენა იქონია, ან როცა დანაშაულობა ჩადენილია სამსახურის მოვალეობათა ასრულების დროს, ან თან სდევს უფროსთა მიმართ უპატივცემლობა ან და შედეგათ მოჰყვა მას რაიმე არეულობა.

36. უფროსების მიერ დადებული დისციპლინარი სასჯელი, თუ განსაკუთრებული რამ არ უწილი ხელს, დაუყოვნებლივ უნდა იქნეს სისრულეში მოყვანილი; თუ დისციპლინარი სასჯელი დადებულია უმაღლეს უფროსისაგან, იმაზე და მოკიდებული თვით მოახდინოს განკარგულება სისრულეში მო-

ყვანისათვის ან მიანდოს ეს დანაშაუვის მახლობელი უფროსს.

37. ხელქვეითისათვის დადებული დისციპლინარი სასჯელის სისრულეში მოყვანა არ შედება უფროსის განკარგულების გამო საჩივრის შეტანით ვიდრე ამ განკარგულების შეცვლის ბრძანება არ მოვა უმაღლესი უფროსისაგან.

38. დისციპლინარი სასჯელის სისრულეში მოყვანა გადაიდება, თუ დანაშაუვზე მთვრალია; აგრეთვე არ ხდება მისი დაკითხვა გარდა წინასწარ დაპატიმრებისა. ერთიც და მეორეც გადაიდება გამოფხიზლებამდე.

შენიშვნა: ამ შემთხვევაში წინასწარი დაპატიმრება არ ჩაითვლება დისციპლინარ სასჯელად.

თ ა ვ ი V.

პატივთა ჟურნალი.

39. ყველა დისციპლინარი სასჯელი შეიტანება ჟურნალში.

40. თვითეული ჯარის ერთეულში უნდა იყოს ორი ჟურნალი.

1) ჯარის-კაცთათვის პატივთა ჟურნალი, რომელიც სწარმოებს ყოველ ასეულში და ცალკე მეორე გუნდშიც.

II) პატივთა ჟურნალი ოფიცრებისა და სამხედრო მოხელეთათვის, საერთო ყველა ცალკე ერთეულში.

41. პატივთა ჟურნალში შეიტანება აგრეთვე სასამართლოს მიერ გადაწყვეტილი სასჯელოც.

42. პატივთა ჟურნალის ყოველივე მუხლი უნდა შემოწმებული იქნეს ასეულის უფროსის ხელის მოწერით. ათასეულის უფროსის თანაშემწენი მოვალენი არიან გადაწინააღმდეგონ ჟურნალი ყოველ ორ კვირაში და ხელის მოწერით ჟურნალის ყოველ ფურცელზე, რომელიც ეკუთვნის თითო ჯარის კაცს, შეამოწმონ დისციპლინარ სასჯელის სისწორე ან აღმოჩენილი გადახრილობა.

43. ოფიცრთა და სამხედრო მოხელეთა პატივთა ჟურნალში თვითეული მუხლი შემოწმებულია ათასეულის ადიუტანტის მიერ.

44. ოფიცრთა, სამხედრო მოხელეთა და ჯარის-კაცთა ერთი ერთეულიდან მეორეში გადაყვანისას ან მივლინებისას საჭირო წერილობით ცნობენთან ერთად იგზავნება აგრეთვე ამოწერილობა პატივთა ჟურნალისა.

45. საინსპექციო გაწინაგვის და დაკითხვის დროს ინსპექციის მომხდენი უფროსი უმეპყლად გასინჯავს პატივთა ჟურნალს.

46. ყველა ათასეულში და მის თანასწორ სამხედრო ნაწილში არსდება ათასეულის თანაშემწისა, ან და მის თანასწორ პირის თავმჯდომარეობითა და ასეულის ორი უფროსისა, ან თანასწორ უფლებით აღჭურვილ პირთა შედგენილობით, დისციპლინარი კომისისა, რომელიც მოვალეა ყოველი თვის ბოლოში გადასინჯოს დისციპლინარი პატივთა ყველა ჟურნალი, შეამოწმოს მისი წესიერად წარმოება და განიხილოს პატივთა დადების საშარტლიანობა.

47. ყველა დასჯილ ოფიცრს [და ჯარის-კაცს შეუძლია უახლოესი უფროსის საშუალებით შეიტანოს კომისიის უახლოეს კრებაში საჩივარი სასჯელის უსამართლობისათვის თუ სასჯელი სამი დღით, დაპატიმრებას აღემატება.

48. კომისია განიხილავს ყოველ საჩივარს და თავის გადაწყვეტილებას მოახსენებს ათასეულის (ან მის თანასწორ უფლებიან) უფროსს.

49. ათასეულის უფროსი, თუ დასთანხმდება კომისიის, შესაფერ განკარგულებას გასცემს, წინააღმდეგ შემთხვევაში საკმე მოხსენდება ბრიგადის უფროსს, რომელიც საბოლოოდ გადასწყვეტს საკითხს.

50. ვინც აღნიშნულ კომისიაში არ განასაჩივრა სასჯელის უსამართლობა უფლებამწარტმევა განასაჩივროს იგი საინსპექციო გასინჯვის და დაკითხვის დროს. განსაჩივრება კომისიაში კი არ წაართმევს უკანასკნელ უფლებას.

51. ათასეულის უფროსის (ან თანასწორ-უფლებიანი პირის) მიერ დადებული პატივი განასაჩივრება ბრიგადის უფროსის (ან თანასწორ-უფლებიანი პირის) წინაშე.

თ ა ვ ი VI.

ს ა ჩ ი ვ ა რ ი.

52. სამხედრო პირთა განცხადება უფროსების მხრით მათ მიმართ:

ა) უკანონო და უმართებულო მოქმედების და განკარგულებისათვის.

კვირას, 23 მაისს, დილის 10 საათიდან სასახლეში მიიღებენ ახალგაზრდობისაგან ფრონტზე გადასაგზავნათ გამხადებულ ჩანთებს, პარკებს საჩუქრებითურთ.

ბ) სამსახურით მინიჭებულ უფლებათა და უპირატესობათა დარღვევისათვის.

გ) დაწესებული ულუფის უკმაყოფილებით განცხადება იწოდება საჩივრად.

53. საჩივრის წარდგენა არ შეიძლება მწყობრი დგომის დროს, საყარაულო და საერთოდ სამსახურის განწყენებათა შესრულებისას.

54. სასჯელის სიმკაცრისა გამო ჩივილი არ შეიძლება, თუ უფროსმა არ გადაამეტა თავის დისციპლინარ უფლებას.

55. საჩივარი ვანიცხადება სიტყვიით ან წერილობით საინსპექციო სინჯვის დროს და მის გარეშეც.

56. აკრძალულია საჩივრის მიტანა ჯგუფობრივ, აგრეთვე რაიმე ყრილობისა ან კრების გამართვა ამის თაობაზე მსჯელობისათვის.

57. საინსპექციო სინჯვის დროს საჩივარი წარედგინება ინსპექციის მომხდენ პირს, რომელიც პირადათ აცხადებს მწყობრის წინ დროს და ადგილს საჩივართა მიღებისათვის, ამასთან თვითეული მომჩივანი მისგან ცალკე მოისმინება.

58. საინსპექციო სინჯვის გარეშე საჩივარი ყოველთვის ასეულის (პატარის) უფროსს წარედგინება; თუ საჩივარი ასეულის უფროსზეა, მაშინ ასეულში (პატარაებში) უფროსს ოფიცრს გადაეცემა.

შენიშვნა: ასეულის უფროსი ან ასეულის ოფიცერი, რომელთაც საჩივარი მიიღეს, ვალდებული არიან ხელქვეითობის წესის მიხედვით დაუყოვნებლივ მსჯელობა მისცენ საჩივრის, თუნდაც გვერდის ახვევით იმ უფროსისა, რომელზედაც საჩივარი შეიტანეს. ამასთან, თუ საჩივარი სიტყვიერად არის განცხადებული, მაშინ შინაარსი საჩივრისა უნდა წერილობით გამოიხატოს.

59. მხოლოდ საინსპექციო სინჯვაზე განუცხადებელი საჩივარი შეიძლება შეტანილი იქნეს ორი კვირის განმავლობაში დღიდან საინსპექციო გაწინაგვისა, თუ მომჩივანმა გაიგოს საჩივრის საფუძველად გამოსადევი მიზეზი; აღნიშნული ვადის გასვლის შემდეგ საჩივრის შეტანა შეუძლებელია, შეტანილი კიდევ არ გაირჩევა.

60. ყველა ასეულში უნდა იყოს საჩივართა ჟურნალი, სადაც გუნდის უფროსის მიერ ან უმაღლესი მოვარობის განკარგულებით შეიტანება ჯარის-კაცთა საერთოდ ყველა საჩივარი და მათზედ მოხდენილი განკარგულებები.

61. საჩივართა ჟურნალი მიეცემა ასეულს ასასეულის უფროსისაგან, მისივე ხელის მოწერით, ზონარ-გაყრილი და ბეჭედ-დასმული.

62. საჩივართა ჟურნალი წარედგინება საინსპექციო სინჯვის დროს, განკარგულებათა სისწორის შესამოწმებლად.

63. საჩივრის მიღებიდან ერთი კვირის განმავლობაში სამხედრო უფროსი ატყობინებნ მომჩივანს გადაწყვეტილებას, ან და იმ მიმართულებას, რომელიც მიეცემა საჩივარს, თუ აღნიშნული ვადის განმავლობაში განკარგულების მოხდენა შეუძლებელია.

64. სამხედრო პირთ, რომლებმაც ორი კვირის განმავლობაში ვერ მიიღეს ცნობა ან გადაწყვეტილება, უფლება აქვთ საჩივარი შეიტანონ სამართლიანობაზე ამა წესდების მიღებულ წესით, ხელქვეითობის მიხედვით, უმაღლეს სამხედრო უფროსთან.

65. შეტანილი საჩივარის უფროსის გადაწყვეტილების უკმაყოფილო სამხედრო პირს უფლება აქვს ახალი საჩივარი შეიტანოს გადაწყვეტილების გამომტანი პირის უშუალო უფროსთან.

66. სამხედრო უფროსის გადაწყვეტილება მეორე საჩივარზე მიჩნევა საბოლოოდ და მისი ხელახლად განსაჩივრება აღარ შეიძლება.

67. განზრახ ცრუ საჩივრის შეტანა სასამართლოში მიეცემა.

68. უსახელო საჩივარი არ განიხილება.

1920 წ. აპრილის 30-ს.

დამფუძნებელი კრების თავმჯდომარის უფროსი ამხანაგი ალ. ლომთათიძე.

რესპუბლიკის მთავრობის თავმჯდომარე ნ. ჟორდანიანი.

ყველა, ყველაფერი ურონსისთვის

არა ოციცილური ბანკოვლიშვა

მთავრობაში

13 მაისის სხდომა

დაეწერნენ: ბ. ბ. ნ. ჟორდანი, არსენიძე, ჯრაცხე, გეგეჭკორი, ხომერიკი, ლორთქიფანიძე, ანდრონიკაშვილი, ავალიანი, ბაბტაძე, ცინცაძე, ნ. ჭიჭინაძე, გედევანიშვილი, ქარცივაძე, ჭავჭავაძე, ალშინაია, ბ. ჭიჭინაძე. საქმეთა მმართველი კ. ჯაფარიძე მდივანი დ. ლომთაძე.

კანონ-პროექტის მიღება

კანონ-პროექტი სახალხო გვარდიის შტატების დამატებისა და ცვლილებებისა მიღებული იქნას და გადაეცეს დამფუძნებელ კრებას.

ნეკლიდებისათვის თანხის გაღება

1. გადაიდოს შრომის სამინისტროს განკარგულებაში სესხად ერთი მილიონი მანეთი სახელდრო ფონდიდან დაჭრილ-დასახიჩრებულთა, ომში დაზოცილთა ოჯახებისა და ყოფილ პენსიონერებისათვის დახმარების აღმოსაჩენად. აღნიშნული თანხა შრომის სამინისტრომ დაუბრუნოს სახელდრო ფონდს, როგორც კი მიღებულ იქნება დამფუძნებელი კრების მიერ კანონ-პროექტი სოციალურ დახმარებისათვის 25 მილიონი მანეთის გაღებისა.

2. პირველ მუხლში აღნიშნულ პირთათვის დახმარების მიცემა დაევალოს შრომის სამინისტროს.

მობილიზაციით გაწვეულ ჯარის-კაცთა ოჯახების დახმარებისათვის.

სახელდრო სამინისტროს მიერ წარმოდგენილი დებულება მობილიზაციით გაწვეულ ჯარის-კაცთა ოჯახებისათვის დახმარების აღმოსაჩენისა, მცირედენი შეწყობისათვის, მიღებული იქნას და გადაეცეს დამფუძნებელ კრებას.

მ. არამიანცის სახლის საფასურად თანხის გამოთხოვნა.

შრომის მინისტრის მიერ წარმოდგენილი პროექტი დეკრეტისა მ. არამიანცისაგან, მთავრობის საკუთრებად, იძულებით ჩამორთმეულ მამულის საფასურად სამი მილიონი მანეთის გადასახადის შესახებ მიღებულ იქნას და გადაეცეს დამფუძნებელ კრებას.

მოწყობილ ოთახებსა და ვასტრონომიულ მაღაზიებზე სატრაქტორო გადასახადის დაწესება.

შინაგან საქმეთა მინისტრის მიერ წარმოდგენილი პროექტი დეკრეტისა ქ. ტფილისის სასარგებლოდ მოწყობილ ოთახებსა და ვასტრონომიულ მაღაზიებზე სატრაქტორო გადასახადის დაწესების შესახებ მიღებულ იქნას და გადაეცეს დამფუძნებელ კრებას.

რესპუბლიკის ჯანმრთელობის დეპარტამენტის შტატის და ხარჯთაღრიცხვის დამტკიცება.

შინაგან საქმეთა მინისტრის მიერ წარმოდგენილი რესპუბლიკის ჯანმრთელობის დეპარტამენტის შტატი და ხარჯთა-აღრიცხვა მიღებულ იქნას და გადაეცეს დამფუძნებელ კრებას.

დადგენილების უარყოფა.

დუშეთის სამაზრო ერობის ხმოსანთა მეორე ჩვეულებრივი ყრილობის დადგენილება ქანტრიანისაგან უძრავი ქონების იძულებით ჩამორთმევის შესახებ უარყოფილ იქნას.

გზა-ტყეცილების სამმართველოთათვის დამატებითი კრედიტის გახსნა.

გზათა დეპარტამენტის დირექტორის მოხსენება გზა-ტყეცილების სამმართველოსათვის 14.812.691 მ. 65 კ. დამატებითი კრედიტის გახსნის შესახებ მიღებულ იქნას და სათანადო დეკრეტი წარედგინოს დამფუძნებელ კრებას.

ავანსების გაცემის წესი.

ის თანხები, რომლის გაღება დამფუძნებელი კრების მიერ 1-ლი აპრილის შემდეგ არის დაკანონებული, გაცემულ იქნას მდგომარე მისიშიც, ყველა დანარჩენი საავანსო ასიგნოვების შესახებ მთავრობა, როცა საჭიროდ დაინახავს, გამოიტანს სპეციალურ დადგენილებას თითოეულ კერძო შემთხვევაში ცალკე, რომლის ძალით კანტროლმა იგი უნდა დაამტკიცოს.

ახალგაზრდობაზე, მოწველენო, არ დაივიწყოთ, რომ კვირას, 23 მაისს, დილის 10 საათიდან სასახლესაკენ უნდა ისწრაფოდეთ იქ უნდა შეიტანოთ ფრონტის საჭიროებებისათვის თქვენი სახელით გასაგზავნათ პარკი, ჩანთა საჩუქრებითურთ: წერილით თქვენგან, თუთუნით, საპონით, პაპირსებით, თხილით, სპიჩქითა და სხვა საჭირო ნივთებით შევსებული. ნუ დააკლებთ თქვენ აღერს ფრონტს.

შინაგან საქ. სამინისტროში შუამდგომლობა

ახლციხის მუსულმანთა რწმუნებულებმა მუსულა ზიმა შარიფ-ოღლმ და მოლა ოსმან მოლა კადირ ოღლმ შუამდგომლობა აღძრა შინაგან საქმეთა სამინისტროს წინაშე, მეჩეთი „აბმედიე“-დან გაძარცვულ ნივთების აღსადგენათ დახმარების აღმოჩენის შესახებ შინაგან საქმეთა სამინისტროსათანადო ცნობებს კრებს ამის შესახებ—თუ რა პირობებში და ვისგან იქნა გაძარცვული აღნიშნული მეჩეთი.

ფოსტა-ტელეგრაფის ოლქის უფროსიდან ცნობა მიიღო შინაგან საქმეთა სამინისტრომ, რომ ამ ბოლო დროს გახშირებულია სასამსახურო შეღავათიან წერილებით კერძო წერილების გზავნა.

ამის გამო შინაგან საქმეთა სამინისტრო წინადადებს აძლევს ყველა მილიციის უფროსებს და ქალაქის და ერობათა გამგებებს რათა მიღებულ იქნას სათანადო ზომები ამ მოვლენის აღსაქვეცად.

ჩვენი საღმთო ვალია მებრძოლთა დახმარება.

სამხალხო ცნობა

ტფილისი, 21 მაისი.

რესპუბლიკის გენერალური შტაბის ხამხედრო ცნობა.

საქართველოს და აღდგენილების მთავრობათა შეთანხმებით აღმოსავლეთ ფრონტზე შეწყვეტილია სახელდრო მოქმედებანი. სხვა მიმართულებებზე საწყნარა.

2) გმირულად დაღუპულ მებრძოლთა დარჩათ ქვრივი, ოზლები, დავებმარომათ, შეუწრთ ცრემლები.

ურონის დამხმარი მთავარი კომისია

ახალგაზრდა საქართველოს!

„ფრონტი ბავშვია—ფრონტს აღერსი სჭირია, ფრონტს ცოტა რამ გაამხნევეს.“ ვალ. ჯუღელი.

პატარებო, მოსწავლენო, ახალგაზრდობა! თქვენ მომავალსა და ბედნიერ, თავისუფალ სამშობლოს ჩვენი მებრძოლნი, ფრონტზე მდგომი მეომარნი ქმნიან. ბედმა თქვენ არ გარგუნათ იარაღით ხელში დაიკვათ თქვენი ტკიბილი და ტურფა ქვეყანა.

ერის კეთილდღეობისთვის მოხარდი თაობა ღერის სისხლს.

ფრონტზე მყოფთ, ჩვენ დამცველთ თქვენი თანაგრძობა გაამხნევეს, მას შესძენს ძალას და განსაკუთრებით თქვენი აღერსია საჭირო. თქვენი სახელით ფრონტის დამხმარე მთავარი კომიტეტი ახდენს საჩუქრების მოგროვებას ფრონტზე გადასაგზავნათ. კვირას, 23 მაისს, დაწყებული დილის 9 საათიდან ვიდრე 3 საათამდე და 5 საათიდან ვიდრე 7 საათამდე სასახლეში მიიღება თქვენგან, მშობლების დახმარებით გაშვებული პატარა ტომრები, პარკები. სასურველია შიგ ჩასდოთ ბარათი უცნობ მეომართადმი, გვარის, სახელისა და აღერსით აღნიშნული.

სასურველია ტომარაში იყოს: თუთუნი, სპიჩქა, პაპირი, საპონი, შოკოლადი, თხილი და სხვა, რაც ფრონტზე საჭირო.

არც ერთი ახალგაზრდა არ უნდა ჩამორჩეს! ქონების მიხედვით, ყველანი თავიანთ ტომრებით უნდა მოვიდნენ სასმხლესთან დანიშნულ დროს.

დამატკიცეთ, რომ რესპუბლიკიანურ სამშობლოს ღირსნი შეილნი ხართ! დააფასეთ თქვენი უფროსთა თავდადება! ფრონტის დამხმარე მთავარი კომიტეტი.

რაოდენიმე მამა, ქმარი, ძმები გმირულად დაეცნენ ბრძოლის ველზე. მათი აჩრდილი გვაგალებს მათი ოჯახებისათვის ზრუნვას.

შემაწირულება.

ფრონტის დღის მომწეობ მთავარ კომიტეტმა მიიღო კომიციის, კარლინსკის, თაიროვის ქარხნებიდან შემოწირულება დიდ ძალი რიცხვი საპნისა. ამავე კომიტეტმა მიიღო განცხადებანი: საქართველოს ცენტრო-ბანკისა და სავაჭრო-ბანკის ინიციატივით საქართველოს სავაჭრო-სამრეწველო პალატისთან დაარსდა ვაჭარ-მრეწველთა მთავარი კომიტეტი, რომელმაც თავს იღვა შეგროვება ფულისა და ნივთებისა ფრონტისათვის განსაკუთრებით ვაჭარ-მრეწვ. შორის. მთავარმა კომიტეტმა დაჯყო ტფილისი 13 რაიონად და ამოიჩაი შესაფერი სარაიონო კომიტეტები. გუშინ კომიტეტის რწმუნებულნი იყ. ტერ-ზახაროვი, ნ. თავდგირიძე და ი. ლორთქიფანიძე უკვე შეუდგნენ ბანკებში და საბანკო კანტორებში ფულის შეგროვებს, დღეს, შაბათს, მაისის 21-ს და ზვ. ორ-შაბათს, 23-ს მაისს დაიწყება ფულის და ნივთების შეგროვება. საჩუქრები მეომარებს ვაჭარ-მრეწველთაგან გაეგზავნება 26 მაისისთვის. ფრონტზე საჩუქრებს გაყვებიან თან ვაჭარ-მრეწველთა წარმომადგენელნი, რომელნიც პარადად დაუბრუნებენ მეომარებს საჩუქრებს. ვაჭ. მრეწ. მთავარ კომიტეტის პრეზიდიუმში არიან სავაჭრო-სამრეწველო პალატის თავმჯდომარე დ. აფხაზი, ცენტრო-ბანკის თავმჯდომარე ვ. გოთუა და ვაჭ-მრეწ. მამასახლისი არ. მილოვი. ნივთების შემოწირულებათა მთავარი საწყობი იმყოფება ცენტრო-ბანკში (პუშკინის ქ. № 3). სადაც ყველა შემომწირველთ მიეცემათ კვიტანციები.

სია იმ მოქალაქეთა, რომელთაც მოიხადეს ვალი სამშობლოს წინაშე და ფრონტის სასარგებლოდ შემოსწირეს: 1) არკ. ნაზ. მილოვმა 50 ათასი მან., 2) იმხ. არამიანცმა 25 ათასი მან., 3) გ. ხაჩატურიანმა და ამხ. 25 ათასი მან., 4) ა. და თ. აფრიკიანმა 25 ათასი მან., 5) მილოვმა შეიღებთ 50 ათასი მან., 6) ბავდასაროვმა 15 ათასი მან., 7) ავან იუზბაშევმა და ხან სალანაოვლმა 25 ათასი მან., 8) ყორღანოვმა და ამხ. 15 ათასი მან., 9) კავკასიის დამზღვევ საზ-ბამ 15 ათასი მან.

23 მაისს, კვირას დილის 10 ს. სასახლეში მოსწავლე ახალგაზრდობიდან მიიღება გამხადებული პარკებით საჩუქრები.

საერთაშორისო კლუბმა და ცირკმა კრისტენმა ერთი დღის საღამოს შემოსავალი გადასდო ფრონტის სასარგებლოდ.

ვინც ფრონტს არ დაეხმარება ის სამშობლოს მოღალატეა!

თავდაცვისათვის

გურიის სამაზრო ერობაში.

9 მაისის სნდომამ შემოქმეტი ვრცელ მოხსენებას აკეთებს საქართველოს დამფუძნებელ კრების წევრი ლეო რუხაძე, რომელიც დაწვრილებით ეხება, როგორც საქართველოს დღევანდელ და საშინაო მდგომარეობას, ისე ბალშევიკურ რუსეთის შინაურ წყობილებას.

„დამფუძნებელ კრებას — გურიის თემთა წარმომადგენლების ყრილობა საღამოს უძღვნის რესპუბლიკის უზენაეს ორგანოს, დამფუძნებელ კრებას და აღუთქვამს მის სრულ დახმარებას მის ბრძნულ მუშაობაში. ყრილობას სწამს, რომ დამფუძნებელ კრების გარშემო შეკავშირებული ქართველი ხალხი უძლეველი გამოვა ყოველგვარ დაბრკოლებიდან და უკუ აგდებს ჩვენზე მუქარით წამოსულ უხეშ ძალებს, გაუმარჯოს ხალხის წარმომადგენლებს.“

„რესპუბლიკის მთავრობას—გურიის თემთა წარმომადგენლების ყრილობა საღამოს უძღვნის რესპუბლიკის მთავრობას და აღუთქვამს თავდადებულ ბრძოლას საქართველოს დამოუკიდებლობის განმტკიცებაში. გურიის სწამს, რომ ეხლანდელი მთავრობის ხელმძღვანელობით ქართველი ხალხი გადალახავს ყოველ-

გვარ დაბრკოლებას და საქართველოს ეროვნული დროშა წითელ დროშასთან ერთად ძირს არ დაეშვება.“

„სამხედრო მინისტრს—გურიის თემთა წარმომადგენლების ყრილობა საღამოს უძღვნის სამშობლოს დამცველ მხედრობას და აღუთქვამს მათ თავდადებულ მუშაობას ზურგის გასამაგრებლად. ოჯახის საუკეთესო შვილები ფრონტზე გაეშურნენ და მათ ოჯახებს თემები უწევენ პატრონობას. არც ერთი მიწის ნაჭერი დაუმუშავებელი არ დარჩება ამ მხრივ მათი ოჯახები და სამშობლო უზრუნველყოფილია. გაუმარჯოს მხედრობას.“

„გვარდიის მთავარ შტაბს—გურიის თემთა წარმომადგენლების ყრილობა საღამოს უძღვნის სახალხო გვარდიის და აღუთქვამს მის თავდადებულ მუშაობას ზურგის გასამაგრებლად. ოჯახის საუკეთესო შვილები ფრონტზე გაეშურნენ და მათ ოჯახებს თემები უწევენ პატრონობას არც ერთი მიწის ნაჭერი დაუმუშავებელი არ დარჩება ამ მხრივ მათი ოჯახები და სამშობლო უზრუნველყოფილია. გაუმარჯოს გვარდიას.“

მეორე საკითხის—მობილიზაციის მიმდინარეობის შესახებ ყრილობას მომხსენებს ერობის გამგეობის თავმჯდომარე და დასკვნის, რომ თემებმა უნდა მიიღოს გადაჭრილი ზომები იმ პირთა წინააღმდეგ, რომლებიც მობილიზაციას ექცევიან.

ყრილობა ადგენს—მიღებულ იქნას სასწრაფო და გადაჭრილი ზომები მობილიზაციის უნაკლოთ ჩასატარებლად.

მესამე საკითხის—ჯარსა და გვარდიის გაწვეულთა ოჯახების დახმარების შესახებ ყრილობა ერობის თავმჯდომარის ს. ქანტური-შვილისა და გამგეობის წევრის კ. ჭავთარაძის მოხსენებათა და მცირე აზრთა გაცვლა-გამოცვლის შემდეგ ადგენს:

1. ომში გაწვეულთა ყანების დამუშავების შესახებ მთავრობის დადგენილების ცხოვრებაში საჩქაროთ გატარება ევალება თემის გამგეობებს;

2. ამ მიზნით თემის გამგეობა თემის ყოველ სოფელში აწყობს სამსამი კაცისაგან შემდგარ შრომის კომისიებს;

3. სასოფლო შრომის კომისიებს ევალება: ა) შედგენა სისია იმ ჯარისკაცთა და გვარდიელთა, რომელთა ოჯახები მათი გაწვევის შემდეგ უმუშახლოდ დარჩენს; ბ) ცნობაში მოყვანა მათი საყანე მიწებისა; გ) აღრიცხვა ამ სოფელში მუშა ხელისა და აგრეთვე არა მიწის მუშა შეძლებულ პირთა და მათი გაწვევრიება ომში გაწვეულთა საყანეების დასამუშავებლად რეზერვობით.

„შენიშვნა: არა მიწის მუშა შეძლებული პირი იხდის ფულს მისდამი დასამუშავებლად ხვედრ მიწის რაოდენობის მიხედვით;“

დ) სასოფლო შრომის კომისია ყოველკვირულათ აწვდის ცნობას მუშაობის მიმდინარეობის შესახებ თემის გამგეობას;

ე) თემის გამგეობა კი ყოველ ორ კვირაში მოახსენებს სამაზრო ერობის გამგეობას საქმის მიმდინარეობის შესახებ;

4. ყოველ თემში დაარსდეს აგრეთვე მეომართა დამხმარე კომიტეტი თემის გამგეობის თავმჯდომარის თავმჯდომარეობით.

იმ კომიტეტის ვალდებულებას შეადგენს—ფულით თუ ნატურით დახმარება ომში გაწვეულთა ვაჭირებულ ოჯახებისათვის. ეს დახმარება იკრიბებოდეს კომიტეტის მიერ თემის ფარგლებში ოჯახის მატერიალურ მდგომარეობის მიხედვით.

კომიტეტის მიერ შეგროვილი თანხის სამი მეოთხედი რჩება ადგილობრივად და ანაწილებს მას თემის გამგეობა, ერთი მეოთხედი იგზავნება სამაზრო ერობაში.

ხუხიანი.

აბაშის თემის მცხოვრებთა კრება სიამოვნებით ეგებება საქართველოსა და სამშობლოს რუსეთის შორის ზავის ჩამოგდებას. კრება აღნიშნავს, რომ ეს ზავი შედეგია ჩვენი დემოკრატიის მთლიანობისა, ერთსულოვნობისა, პოლიტიკური სიმწიფისა, სიმტკიცისა და სწორი ტაქტიკისა. კრება, სდგას რა ამ მთლიანობისა და სწორ-ტაქტიკის ნიადაგზე, გვერდში უდგას ჩვენს დემოკრატიის გვირგვინს, დამფუძნებელი კრებას და ღირსეულ მთავრობას. მასთან ერთად კრება მზათა იბრძოლოს ამ ზავის განსამტკიცებლად და მით დაიკავს ჩვენი ერის სუვერენ-

ნული უფლება, დემოკრატიული წეს-წყობილება და მისი საარსებო უფლებები ყოველივე გარეშე, თუ შინაურ თავხედ ძალისაგან, ვინც კი მოსურვებს ამის შელახვას.

აბაშის თემის საეროებო გამგეობის თავმჯდომარე.

ოხმალეთის ფულებით მოსყიდული „წითელი“ ბანდები გვეშუქებენ; მათ ასალაგმავად იბრძვიან ჩვენი ერის საუკეთესო შვილნი, დაუმტკიცოთ, რომ ჩვენც მათთან ვართ!

26-ს მაისისათვის

პარასკევს 21 მაისს შესდგა დამფუძნებელი კრების ხელოვნების კომისიის მე-3 სხდომა, რომელსაც დაესწრო ქ. ტფილისის ყველა პოლიტიკურ და კულტურულ-საზოგადოებრივ ორგანიზაციების წარმომადგენელი. კრებამ დადასტურა რა დღესასწაულის ის საერთო ხასიათი, რომელიც გამოცხადებული იყო პრესის საშუალებით დაადგინა: დაწვრილებით ცერემონიული ამ დღისათვის გამოცხადდეს პრესაში კვირას, 23 მაისისათვის და შემდეგ დღეებსაც. სასურველი წესრიგის შექმნისათვის მოწვეულ იქნას სხვადასხვა დაწესებულებათა წარმომადგენელი და აგრეთვე მოაწვიოს საზოგადოებიდან ამ საქმისათვის გამოსადეგი პირები.

ამასთანავე კრებამ დაადგინა განმეორებით ეთხოვოს ყველა ორგანიზაციებს, რომელთაც სურთ დღესასწაულში მონაწილეობის მიღება განუტყუალოდ ამის შესახებ კომისიას და აგრეთვე აცნობონ მას არა უგვიანეს 24 მაისისა, თუ რა სახით სურთ მათ ამა თუ იმ მონაწილეობის მიღება. ყოველგვარი განცხადება მონაწილეობის მისაღებად 24 მაისს შემდეგ, კომისიის მიერ უარყოფილი იქნება. კომისიას ყოველ დღე სხდომები აქვს.

1) ჩვენი მებრძოლნი სიცოცხლეს სწირავენ, ნუ თუ თქვენ ქონება უნდა დაიშურათ!

მოწერილი ამბები

ყარაიაზის რაიონი.

ყარაიაზის რაიონის შესახებ ტფილისის მახრის ერობის ხმოსანი ივ. ზოდელავა: შემდეგ გვაცნობებს. ყარაიაზის რაიონი, როგორც მიწის ხედა-თვის გამოსაყენი ადგილი შეიძლება წარმოვიდგინოთ ბ-ნ ზოდელავას დახასიათებით ასე: პირველი ნაწილი, რომელიც შეიცავს არხებით მოქსედილ ველს და საზოგადოდ მოწესრიგებულს; მეორე ნაწილი — შეიძლება ვახდეს სარწყავ მამულად, რადგან იგი მეტად მდიდარია ბუნებით და მესამე ნაწილი — წარმოადგენს საზამთრო საძოვარს, ორი უკანასკნელი ნაწილით. სარგებლობენ მეჯოგეები და მესაქონლეები. ყარაიაზის მოსახლერე აზერბეიჯანის ქვეშევრდომნი ვაზაფხულობით სარგებლობენ ყარაიაზის ადგილებით, როგორც საძოვრით. უწინ ყარაიაზში რუს ვადმოსახლებულთა შედარებით მკვიდრ მცხოვრებელთან ეძლეოდათ დიდი უპირატესობა: მათ ეძლეოდათ სულზე მექსი დღის საუკეთესო მიწა; საშუალოდ რუს მოსახლერე ოჯახს უწევდა არა ნაკლებ ოცდაათი დღიურასა, გარდა სახლ-კარის ადგილისა, რომელიც ცალკე ეძლეოდათ. ეს ხდებოდა მაშინ, როდესაც მკვიდრ მცხოვრებლის კომლზე კამერალით ეძლეოდათ არა უმეტეს ათი დღიურისა, რომელშიაც შედიოდა სასახლ-კარე ადგილიც. ამ რიგად კმაყოფილებდნენ მკვიდრ ნაწილი თათართა მოსახლერობისა, მხოლოდ მისი ორი მესამედი ნაწილი დარჩენილი იყო თითქმის უმიწა-წყლოდ. საქართველოს რესპუბლიკის მფლობელობის დამყარების შემდეგ ამ რაიონში მიწის საკითხი ძირიან-ფესვიანად შეიცვალა და მყარდება თანასწორობის და სამართლიანი განაწილება მიწისა. დღეს მკვიდრნი (თათრები და გადმოსახლებული ქართველები) სარგებლობენ მიწით ერთნაირად და თითქმის თათართა მოსახლეობას უპირატესობა კი ეძლევათ მით, რომ გარდა ქართველებთან საერთო ნორმისა ეძლევათ კიდევ სახელმწიფო საძოვარი ადგილები. საზოგადოდ ყოველნაირად უმარტოვენ ხელს, რომ დაბალ საფეხურის ყოფა-ცხოვრებიდან — მცხოვრებლებმა თავი დაახსიონ. ამას უნდა მიუმატოთ რესპუბლიკის უფასოდ შემოღებული სწავლა, ექიმობა, რაც ძველ დროს შეადგენდა მხო-

ლოდ რუსთა მცხვრებთა პრივილეგიას. ჩვენი მთავრობის კეთილ მზრუნველობას, ბ-ნ ზოდელავას დამოწმებით, რომელსაც კარგად სცნობია ადგილობრივი მოსახლეობა და მათი სულიერი განწყობილება, კარგად გრძობს თათრის მოსახლეობა და შესაფერისადაც აფასებენ ამას. დღევანდელ საქართველოს და აზერბეიჯანის ატეხილ ომში მცხოვრებლებს თავი უჭირავთ, არამც თუ ლოიალურად არამედ სრულიად თანაგრძობითაც კი უყურებენ საქართველოს მთავრობას. ვერავითარი პროვოკაცია მათში ვერ იქიდებს, რაიც აშკარა შედეგია მომენტის სწორ შეფასებისა.

კიდევ რაოდენიმე იერიში და დამარცხებული მტერი დაიჩოქებს ჩვენს წინაშე, საჭიროა მხოლოდ ზურგის სიმაგრე.

დეკემბერი

(საქართველო. დეკემბრის სააგენტო)

ბალშევიკური ცნობები.

მოსკოვი, 19 მაისი. სამხედრო ცნობები. პიტალოვის მიმართულებით ჩვენ უკუ ვაგდეთ მტრის შემოტევის ცდა უოგოვო-პოლოცკის რაიონში. ლეპელის რაიონში ჩვენი ჯარები 14 მაისს საერთო შეტევაზე გადავიდნენ და მათ მტრის პოზიციები გაარღვიეს. პოლოცკ-მოლოდენოს რაიონის გზის რაიონსა და ლეპელის ჩრდილოეთით მტერი ჩვენი შეტევის შეჩერებას სცდილობდა, მაგრამ ვერ გაუძლო რა ჩვენ უეცარ მიწოდებას, განაგრძობს უკან დახევის... დაბა ბეროზინის რაიონში ენერგული შეტევა გრძელდება. პოლოცკ-მოლოდენოს რაიონის გზის რაიონში ხელთ ვიგდეთ სურსათ-სანოვადე და სამხედრო მასალები. ბორისოვის რაიონში ჩვენი ნაწილები შეტევაზე გადავიდნენ. მდ. ბერეზინის მარჯვენა ნაპირზე პლაცდარმის გასაფართოებლად ბრძოლები სწარმოებს. ულოზინ-მოზირის გზის რაიონში და დაბა გორნის ჩრდილოეთით, რეჩიცის ჩრდილოეთ. დასავლეთით 25 ვერსზე სასტიკი ბრძოლები გრძელდება. რეჩიცის მიმართულებით, დნებრის მარცხენა ნაპირზე ბრძოლებია... (გამოტრევილია) ჰაერობლანი, მაგრამ ჩვენი არტილერიის საპასუხო ცეცხლის შემდეგ ჩრდილოეთ-დასავლეთ მიმართულებით წვიდნენ. საგარეო საქმეთა სახალხო კომისარმა ჩიჩერინმა ინგლისის საგარეო საქმეთა მინისტრისაგან მიიღო დეპეშა ყირიმის ფრონტზე საყოველთაო ამნისტიის საფუძველებზე სახავო მოლაპარაკების დაწყებაზე თანხმობის განცხადების შესახებ. ის სწერს: ინგლისის მთავრობას სურს რაც შეიძლება მალე შესწყდეს ბრძოლა წითელსა და თეთრ არმიას შორის, იგი პირობას იძლევა ხელი შეუწყოს სამხრეთ რუსეთში დაუკონებლო მოლაპარაკების დაწყებას, მოლაპარაკებაში მონაწილეობას მიიღებენ გენერალი ვრანგელი და ინგლისის სამხედრო და პოლიტიკური წარმომადგენლები.

როგორც იტყობინებიან ფრონტის ახლო მდებარე რაიონების მცხოვრებნი, რომელთაც პოლონელების შემოსევა მოელოთ, სტოვებენ თავის სახლ-კარს და პოლონეთის ბატონობისაგან თავის გადარჩენას ფიქრობენ.

მახკოვი 21 მაისი. ვოლინო-მოზირის რაიონში მზვერავთა მოქმედება. მდ. პრიპიატის შესართავთან ჩვენ მტრის ჯავშნაინი მატარებელი ავაფთქეთ. კიევის რაიონში არავითარი მნიშვნელოვანი რამ არ მომხდარა. ზენიგოროდსკის რაიონში ჩვენ ზენიგოროდსკის ჩრდილო-დასავლეთით 40 ვერსზე სოფელთა მთელი წყება დაკიკავეთ. ვაპნარის რაიონში რაიონის გზის ორივე მხარეზე ბრძოლა სწარმოებს. სადგ. კადიშთან შევიპყარით მტრის თვითმფრინავი. დასრულდა თეთრების მიერ მდ. ყუბანზე აფეთქებულ ხიდის აღდგენა.

ყველანი ფრონტისთვის უნდა ვფიქრობდეთ. ჩვენი ჯარის გამაგრება-დემოკრატიის გამარჯვება.

სენატორ რიონაშვილის რეპორტი

არ შეიძლება არ აღვნიშნო ის სასიამოვნო შთაბეჭდილება, რომელსაც ახდენს ის თვალსაჩინო წესრიგი, დამყარებული ქუთაისის სამხარეო ერობაში ახალგაზრდათა მორიგი გაწვევის და მომილიზაციის მოხდენის შესახებ.

სწორედ გასაკვირველია ის დაუღალავი ენერგია და გამოცდილება, რომელიც გამოიჩინეს გამგეობის წევრმა ფალავანდიშვილმა და საქმის მწარმოებელმა ბოკერია ამისთანა ახალ და რთულ დარგში, როგორც არის სამხედრო გაწვევის მოწყობა და დღეს, როცა სამშობლო განიცდის მძიმე წამს. მარტო სრულ შეგნებას, თავის წმიდა მოვალეობის და სამშობლოს სიყვარულს შეუძლია მოაწყოს საქმეს მთლიანად და მწყობრად, რაც საქმის ხაზ გასმულ იქნეს, როგორც ბრწყინვალე მაგალითი სასურველი ყველა უწყებისთვის.

ვთხოვ ყველა გაზეთებში გადაბეჭდვას.

სენატორი ი. რიონაშვილი.

კილიციაში

— 19 მაისს სისხლ. სამ. მილიც. უფროსმა სამხედრო ციხეში დააპატიმრა მთავრობის თავმჯდომარის პირადი აღიუტანტი მაცირი ალექსანდრე გიორგისძე ჩხეიძე, რომელმაც შემდეგი დანაშაული ჩაიდინა: მთავრობის თავმჯდომარემ დაავალა მას ეტლისა და ლონდოს ყიდვა. პოლკ. ჩხეიძემ იყიდა ისინი მირზოვერისაგან, ეტლში მისცა 6000 მ. და ლონდოში 10000 მ. ანგარიში შეადგინა თვით ჩხეიძემ და მირზოვერის მაგივრად მოაწერა ხელი. ეტლის ფასი დასწერა 10000 მ. და ლონდოს 13000 მ. აქედან თავის სასარგებლოდ მიიღო 7000 მ. ამავე დროს ჩხეიძემ ვითომ მთავრობის სახელით იყიდა ეტლი 3000 მ. ცეცხლის მქრობელ რაზმის ბრატმესტერის გ. ბერეძისთვის, რომელმაც მას დახმარება აღმოუჩინა ამ საქმეში.

— 19 მაისს დავით ისაის ძე ტომაზოვმა სისხლ. სამ. მილიციას განუცხადა, რომ მას მოჰპარეს ნივთები, ლირებული 120.000 მ. იქვი აქვს თავის მსახურ ქალზე ეპატორინე-რორცოვანზე, რომელიც დაიძალა, სისხლ. ვსამ. მილიციამ გამოარკვია, რომ ის წვიდოდა კავკაზში, და მართლაც შეიპყრო ის იმ დროს, როდესაც ავტომობილის ბილეთს ყიდულობდა. ის გამოტყდა დანაშაულში და ნივთებზეც მიუთითა მილიციას. ნივთები პატრონს ჩაბარდა, ვორცოვან დააპატიმრებულია, საქმე სასამართლოს გადაეცა.

— სისხლ. სამ. მილიციამ დააპატიმრა ქალაქ. გამგ. ტენიკურ განყოფ. მონაგარი-შე-საქმის მწარმოებელი ა. ა. შხინაზაროვი, რომელსაც ბრალად ედება 54.790 მან. მითის ება. წისკილის პატრონს ის ახდევინებდა 250 მ. და სწერდა 150 მ. აქედან განსხვავებას იტოვებდა თითონ.

ჩვენი რესპუბლიკის ბედი ფრონტზე დამოკიდებული ნუ დიზოვავთ თავს მისთვის.

ახალი ამბები

— 21 მაისისთვის განზრახული ქართული მცოდნეთა კონფერენცია, რადგან საორგანიზაციო კომისიამ თავის მუშაობა ვერ დაამთავრა შესდგება ივნისის 1-ს.

— რუსთა ეროვნულმა სამკომ. გავზავნა გუშინ რუსეთში 120 კაცი, რომელთაც სურვილი ჰქონდათ რუსეთში გამგზავრებისა და დღემდის ვერ მოეუბრებინათ წასვლა.

— გენ.-გუბერნატორის ვ. სულაქველიძის განკარგულებით გ. ახვლედიანი დაინიშნა ბორჩალოს მაზრის მილიციის უფროსად და არა გენ.-გუბერნატორად, როგორც ეს გუშინდელ ნომერში ვკვონდა აღნიშნული.

— რესპუბლიკის ექიმთა პროფესიონალურ კავშირის ტფილისის განყოფილების საერთო კრება შესდგება სამშაბათს, 25 მაისს 1920 წ. სარამოს 7 1/2 ს. „კავკასიის საექიმო საზოგადოების“ დარბაზში (გიორგის ქ. № 4, ალექსანდრეს ბაღის ახლო). დღიური წეს-რიგი: 1) ექ. ლულაძის და ტფილისის ჰოსპიტლის ექიმთა კოლეგიის შორის მომხდარ კონფლიქტის განხილვა, 2) მიმდინარე საკითხები.

გ ა ნ ც ხ ა ე ბ ა ნ ი

მოხილავაციის მიზნის გამო
კვიდი ნახევარ წილს

კაფე-რესტორანს „რინან“-ს
გალოვინის პროკეტზე, ბინა № 8 ზუბალოვისა.
1136 1-1

დაიკარგა სასურსათო წიგნაკი № 20951 სოფოი ხანგანუოვის სახელზე. გაუქმებულათ ჩაითვალოს.
955 3-3

წიგნაკის გამოცხადება

აღმ. არაბიძის და აშხ.

ტფილისი, დამფუძნებელ კრების ქუჩა № 5.

გამოვიდა და იყიდება:

- 1) აღ. წერეთელი, მსოფლიო ისტორია I ნაწილი; იგივე მე-II ნაწილი.
- 2) იას. ნიკოლაიშვილი, ქართული მოკლე გრამატიკა.
- 3) დ. უზნაძე, ძველი ისტორია.
- 4) Я. Зедгинидзе и Джапаридзе, Методическая Хрестоматия по русскому языку.
- 5) იაკობ ზედგინიძე, ახალი ქარ. ანბანი. მისივე, ანბანის სწავლება (მეთოდია).
- 6) Н. Николадзе, Армяно-Грузинскія отношения.
- 7) გერმანიის კონსტიტუცია.
- 8) გერ. ქიქოძე, პოლიტიკური წერილები.

შეადგება დასაბეჭდათ

- 1) ხელონის. შეიძლება თუ არა გამოვიყენოთ ფიზიკის კანონები მსოფლიოსთვის.
- 2) კრავიჩი, ფიზიკის სახელმძღვანელო საშუალო სკოლისათვის მეექვსე კლასის კურსი. შესავალი, მოძრაობა და ძალები, სითხეები და გაზები; მისივე მეორე კლასის კურსი — სითხე; მისივე მესამე კლასის კურსი მექანიკა.
- 3) სვანტე არენიუსი, მსოფლიო.
- 4) პროფესორი შუკარევი, ენერგია და ენთროპია (ელემენტარული სწავლა); მისივე მოლეკულარული ფიზიკა (ელემენტარული სწავლა). ორი უკანასკნელი წიგნები წარმოადგენენ ლექციებს წაკითხულს მოსკოვის სახალხო უნივერსიტეტში.

5) ლელმგოლოცი, ენერგიის შენახვის კანონი. ყველა ზემოთ ჩამოთვლილი წიგნები ნათარგმნი ა. პ. სვანაძის მიერ.

შეადგება დასაბეჭდათ ირეთელის ნაწერები სამ ტომად, თითო ტომში იქნება 250—300 გვერდი.

პირველ წიგნად გამოდის პიესები. გამოვიდა და იყიდება ნოე ჟორდანიას სურათი ცარცის ქალაქზე დაბეჭდილი.

შეადგება დასაბეჭდათ დიდი სერია პოლიტიკურ მოღვაწეთა სურათებისა.

ყველა სურათები გამოვა იმ რიგით, როგორც ნოე ჟორდანიას სურათთა. ირაქ. წერეთელი, კარლო ჩხეიძე, აკაკი ჩხენკელი, ევგენი გეგეჭკორი, ნოე რამიშვილი, ნოე ხომერყი, გრ. ლორთქიფანიძე და სხვა. 526 1-1

აკაკი ილიას ძე ეკავაძე აცხადებს, რომ მან დაჰკარგა ქუთაისის რეალურ სასწავლებლიდან 1914 წელს მიღებული სიმწიფის მოწმობა. გაუქმებულათ ჩაითვალოს.
1129 3-1

დაიკარგა ტფილისის ქართულ გიმნაზიაში ოთხი კლასის დამთავრების მოწმობა გიორგი ტარასის ძე ჩინჩალაძის სახელზე. გაუქმებულათ ჩაითვალოს.
1115 3-1

დაიკარგა საბინაო დავთარი ალექსანდრე მილოვის სახლის, მდებარე მე-5 სამილიციო რაიონში დირსაჩალის შესახვევში № 7, გაუქმებულათ ჩაითვალოს.
3-1

დაიკარგა ტფილისის კულტურ-ტენიკური სასწავლებლის მესამე კლასის აგრონომიულ განყოფილების მოწაფის სერგი ელენტის სახელდრო ბეგრადან განთავისუფლების მოწმობა № 346. გაუქმებულათ ჩაითვალოს.
(უფ) 3-1

დაიკარგა პასპორტი № 842 ავეტიკ ოვანესხან ძე გაბრიელაშვილის სახელზე, მიღებული ტფ. მილიციის უფროსის სამმართველოდან. გაუქმებულათ ჩაითვალოს.
1063 3-1

დაიკარგა 1919 წ. საბინაო წიგნაკი ელი-საბედ მოსეს ასულის გრიჭოვას სახლისა, რომელიც მდებარებს სურფ მინასის შესახვევში. გაუქმებულათ ჩაითვალოს.
1086 3-1

დაიკარგა საოჯახო პასპორტი № 147 ბიქტორ გიორგის ძე დარსაველიძის სახელზე, მიღებული დიდი ჯინაიშის სამმართველოდან 1912 წელს. გაუქმებულათ ჩაითვალოს.
1089 3-1

დაიკარგა ვასილი (იგივე ვართან) ტეროვანის ძე სუზავეიანის სახელზე შემდეგი საბუთები: პასპორტი მიღებული ტფ. მილიციის უფროსის სამმართველოდან; ბილიარდის ნებართვა და პატენტი და 500 მ. ხელწერილი სიმონ ჩაღუნელის მიერ მოცემული და სხვა ხელწერილები. გაუქმებულათ ჩაითვალოს.
1096 3-1